

## 3 San Juan

*Gaji carta gojañumi daja Ñu. Gayo iḡu ðaro iirare wereñumi*

<sup>1</sup> Yuhũ buḡu mure Gayore diaye ta yu mahigũre ipũre gojabeoa.

<sup>2</sup> Yu mahigũ, mũhũ Goãmũre ðaro umupeocũ masia yuhũ. Mũhũ Goãmũ mera ðaro árĩro dopa ta mũ dũpũ sã ðaro árĩcũ serẽbasaa yuhũ Goãmũre.

<sup>3</sup> Gajirã Jesucristo yarã yu pohro erarã mũ árĩricũre yũre wereama. Cristo gamerire diaye mũ iirare wereama erã yũre. Erã eropa werecũ peegũ bũrigã mucubiriabũ yuhũ.

<sup>4</sup> Jesucristo yarã yu buhenirã Jesucristo yare diaye ta árĩre erã iicũ pee bũrigã mucubiria yuhũ.

<sup>5</sup> Yu mahigũ, mũhũ Jesucristo yarãre itamugũ ðaro iiaa mũhũ. Jesucristo yarã mũ ïha masibirã sãre itamugũ ðatariaro iiaa.

<sup>6</sup> Erãpũ erãre mũ umupeorare wereama ḡũare Jesucristo yarã gamenererogue. Eropigũ Goãmũ yare buhe curirãre mũ pohrogue erarã erã gajipũ wacũ itamuque erãre. Mũ eropa iigũ ðaro iigũ árĩḡũca mũhũ. Eropa ta marire itamuro gahmea Goãmũ yare buherãre.

<sup>7</sup> Erã Jesucristo ya árĩburire buhe curirã warã, Jesucristore umupeobirãpũre erã itamurire ne serẽbeama.

<sup>8</sup> Eropirã marire Jesucristo yare buhe curirãre itamuro gahmea. Erãre eropa itamurã erã iiro dopa ta mari sã Goãmũ yare buherire itamurã iiaa.

*Diotrefe ïgu ñero iira ãhraa*

<sup>9</sup> Eoãmũ yare buhe curirãre mũ pohroque erarã erã gajipũ wacũ itamuque erãre. Mũ eropa ro majarãre Jesucristo yarãre yũ gojarapũre gojabeorabũ. Diotrefepũ ïgu basi erã opũ árĩdiagũ yũ wererare peediabiripũ.

<sup>10</sup> Eropigũ mũa pohro yũ ejara pũhrũ ïgu iirare werepehogurã. Gũare ñero wereniguirũ. Eropigũ Jesucristo yare buhe curirãre bocatĩribiripũ. Gajirã ero árĩrã erãre bocatĩridiacũ gamebiripũ. Gajirãpũ erã buhe curirãre bocatĩricũ ïha ïgu Diotrefe erã bocatĩrira waja erãre cohã wiupũ Jesucristo yarã gamenereri wihigue.

<sup>11</sup> Yũ mahirã, ñero iirãre ïhacũbiricãque. Õaro iirãre ïhacũque. Õarire iirã Goãmũ yarã ãhrima. Ñerire iirã Goãmũre masibeamã.

*Demetrio ïgu õari iira ãhraa*

<sup>12</sup> Árĩpehrerã “Demetrio õagũ ãhrimi,” arĩma. Eropirã ïgu iirire ïarã õaro ïgu iira árĩcũ masima masa. Gũa sã ïgu õaro iirare eropa ta werea. Gũa wereniguiripũ diaye árĩcũ masia mũa.

*Ñũ weretura ãhraa*

<sup>13</sup> Mũare baja werediarabũ. Iirire gojasome.

<sup>14</sup> Merogã pũhrũ mũare ïagũ wadiaca. Eropirã mari basi weretamurãca.

15 Õaro árĩque mũhũ. Mari mera majarã Jesucristo yarã mũre õadorema. Ero majarã mari mera majarã sã õaporo. Iripẽta ãhraa.

## **Desano**

### **Desano: Goãmu Yare Wereripu New Testament**

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

---

PDF generated using Haiola and XeLaTeX on 30 Apr 2025 from source files dated 1 May 2025

17771afc-c309-57fd-9ff3-2d5a0cd59ff1